

OHR pozdravio imenovanje glavnog tužitelja BiH

Ured visokog predstavnika pozdravio je danas imenovanje novoga glavnog tužitelja BiH. Ova funkcija upražnjena je već nekoliko mjeseci i svako dalje odlaganje prijetilo je da ugrozi sposobnost ove institucije da efikasno funkcionira i osigura da počinitelji krivičnih dijela dođu pred lice pravde.

Bosna i Hercegovina se mora, kroz vlastite institucije, suočiti sa strašnim naslijeđem ratnih zločina i korupcije, koji isuviše dugo potkopavaju njeno društvo. Na svom posljednjem zasjedanju 29. i 30. novembra, Upravni odbor Vijeća za provedbu mira izrazio je svoje opredjeljenje i podršku pravosudnim tijelima na državnom nivou, te pozvao vlasti da omoguće njihovo puno funkcioniranje.

U ovom kontekstu, OHR pozdravlja najavu novoga glavnog tužitelja o namjeri da nastavi s naporima da učvrsti vladavinu prava, te ojača kapacitete i instituciju Tužiteljstva BiH.

Niko ne smije biti iznad zakona i nijedno mjesto ne smije biti nedostupno zakonu u Bosni i Hercegovini. Svi instrumenti za borbu protiv kriminala koje ova zemlja ima na raspolaganju moraju biti potpuno funkcionalni. To je cilj koji ovo dugo iščekivano imenovanje treba da počne pretvarati u stvarnost.

S odlaskom međunarodnih sudaca i tužitelja iz Suda i Tužiteljstva BiH, od suštinske je važnosti da vlasti BiH pruže punu podršku institucijama vladavine prava i zaštite napredak koji je do sada postignut. Na sastanku sa zvaničnicima Suda čiji mandati upravo ističu, a koji je održan ranije ove sedmice, visoki predstavnik Valentin Inzko još jednom je potvrdio opredijeljenost međunarodne zajednice i njenu podršku pravosudnim organima na državnom nivou.